

KANAOUEN DEVOT

Var ar brezel a réar d'ar Pap a d'an Ilis catholic.



Er bloas 1848, ar Pap a renkas tec'het eus a Rome. Ar France, galvet merc'h-ena an Ilis, a gassas eun arme da sicour ar Pap, ac abaoe an Impalaer Napoleón a zalc'h soudardet e Rome evit diouall an Tad santel.



Var don kimmia ar soudart : *Va c'halon a zo frailhet ;*
pe var don : *Santez Mari, Mam Doue.*

1.

A beb amser an ifern en deus great ar brezel,
D'a Jesus a d'he Ilis, d'ar Pap hon Tad santel :
Mes en amser-ma Satan a ziskues he arrach,
Goassoc'h eguet biscoas eneb ar Gristenach.

2.

Ar buguel en em revolt eneb he vam, he dad,
Zo gant an oll disprijet, gant an oll casseat.
Mallos d'ar buguel ingrat, d'ar buguel didruez,
A ro d'he dad ar maro evit caout he zanvez !

3.

Chetu eno, Christenien, petra velomp hirio :
Tud badezet, eur Roue catholic dre hano :
Poulset gant an drouc-speret, oc'h enem revolti,
Eneb ar Pab Pi-Navet, o clask e zidroni.

4.

M'a teu-fe var an douar ar Rouanet christen,
A roas guehall d'ar Pabet, evit en em souten :
Eun tamic rouantelez, gant an oll espernei,
Souezet e lavarfont : N'eus muy a feiz er bed !

5.

Al laeron, ar forbanet a zo var ho meno,
Tud honest, tud a feçon : Credet neb a garo !

Hiviziken ar muntrou ac ar forbanerez
A zo din a veuleudi , œuvrou a drugarez !

6.

Hennès eo an Aviel a laca e pratic ,
Ar re a guemer madou an Ilis catholic.
Ni gar ar Religion , a leveront hep mez !
Chetu forbanet honest a devot en ho iez !

7.

Ar Pap collet he stadou , a vezo eürustoc'h :
Nos-deis e c'hello pedi a beva e peoc'h.
Pe vont da redet broyou , e pep leac'h estranjour !
Eürus m'a n'eo harluet evel eun torfetour !

8.

Ar Pap heb rouantelez , Pap bepret a vezo.
Chetu petra levereur , vit trompla tud hor bro.
Ar Pap heb rouantelez , evel guechall sant Per ,
A vo prizoniet , lazet , hep dale pell-amser !

9.

An hini zo he zever , zo carguet gant Doue ,
Da guelen a da repren an oll , pobl a roue ,
A ranko hiviziken , vel eur c'hlaskeur bara ,
Tremen dious he vugale evit gallout beva !

10.

Moundianet disourçi , Bourc'hizien heb Creden ,
E passion hør Salver , guechall ar Juzevien ,
A reas eveldoc'h hirio , a lezas condaoni ,
Ho zad , ho madoberour , memes ingrateri !

11.

Pell zo an experianç e deus d'ar bobl desket
Petra eo promessaou a comsou forbanet.
Beva mad heb labourat , chetu petra glascont ,
A d'ar bobl a zent outo gant disprich e c'hoarzout !

12.

D'a c'hortos ma vint Mistri , ar forbanet divéz !
D'ar Brincet , d'ar Rouanet , a voar ober al lez.
Prometti a reont ive d'ar bobl al *liberte* ,
Cargou , honor a danvez. C'hui velo goudeze !

13.

Ar Pap eur vech discaret , piou vezo espernet ?
Ho tro a deuio ive , princet a rouanet :
An tan-goall eur vech croguet a ra cals a ravach ,
Ac ar Revolution ne glask nemet pillach !

14.

Lammit ar Religion , ar Pap , ar veleyen ,
N'oc'h eus muy en ho parrès , na sul nac oferen.
Pa goezot clan da vervel , evit oc'h absolvi ,
N'a glaskit ket eur belec : marvit evel eur c'hy !

15.

Da beleac'h hiviziken , a zainp en hon izom ,
Da glask cuzul , sclerijen ? N'eus Pab ebet e Rome !
Hounnes eo da viana , reket Garibaldi.
Malheur d'ar Pap pa vezo ar mestr en Italie !

16.

Pa n'efe m'en deus Doue promettet assistanc ,
D'he Ilis var an douar , e colfemp esperanc .
Mes abred pe zivezad , ne deus netra surroc'h ,
Doue a roi d'he Ilis ar victor , ar peoc'h .

17.

M'ar deus tud fall , forbanet , an Ilis c'hoas hirio ,
E deus bugale fidel , e pep stad e peb bro :
Ne zeont ket oll d'ar brezel , mes oll eus ho madou ,
D'ar Pap e cassout sicour , vir difen he stadou .

18.

Tud yaouanc , paysantet , tud a lignez huel ,

A zifés bro a kerent , evit mont d'ar brezel.
Cals o deus deja collet ho buez er gombat.
Eürus da scuill ho goad , evit difen ho zad !

19.

Ho henvel oll a garfen elars em c'hanaouen :
Ra vo scrivet ho hano e salon peb christen !
Henor d'an dud calonec , maro evit ar feiz !
Henor d'ar re zo choumet , pa zistroïnt da Vreiz !

20.

Bennos d'an tadou christen , d'ar mamou calonec ?
O deus roet ho mipien , heb aoun rac an abec ,
Da zifen autorite Tad an oll gristenien !
Bennos Doue var-nezo ! leveromp da viken !

21.

D'ar Pap , d'hon Religion , dalc'homp mad , Bretounet ;
Heb Pap , heb Religion , ne deus urz-ivad ebet.
An aokou en he varner , ar paour en he lochen ,
An tyec , an artizan , n'ho deus nemet anken !

22.

Ma n'eo ket eun drouc saëres an Ilis catholic ,
Perac e ve divennet laëres ar pinvidic ?
Lezen Doue a lavar : e dra da beb hini ;
M'ar douc'h paour bezi' honest , cassaït al laëronci.

1860.

